

THE UNIVERSITY OF CHICAGO

THE UNIVERSITY OF CHICAGO

欽定剿平捻匪方略卷三十五 丁巳年

十月十三日 庚申 福濟鄭魁士奏言捻逆與粵賊

合股盤踞桃鎮內竄派河 臣等飭令協領桂成

等移營進偪並令舒城縣知縣甘文潤招集練

勇先規桃鎮繞賊後路再以廬軍進擊其前使

賊腹背受敵則派河等處自有不能立腳之勢

因派已革遊擊聶桂榮等往舒會辦九月二十

四日該員弁督勇由花子岡出其不意直逼桃
鎮逆賊分路迎撲又謝家河來賊千餘聶桂榮
飭練董孫金苗等分路擊退連夜築營固守二
十六日進攻桃鎮聶桂榮奮力撲入各弁率勇
環攻砍斃多賊搶過桃鎮北柵外大橋直衝入
街賊衆敗退過河落水死者無數立將桃鎮收
復我軍卽就該鎮紮營該逆復糾合舒城廬江

賊匪由三河豐樂河進至中派河接應上派河
之賊臣等當飭甘文瀾等率領練勇從桃鎮花
子岡扼截派河之後又由廬州店埠各營密選
精銳潛赴派河西南一帶伺賊動靜兵勇四面
設伏二十八日臣鄭魁士督同副將蕭開甲總
兵扎隆武副都統麟瑞等分路馳抵派河北岸
該逆未及防備我軍趕搭浮橋過河突毀賊卡

二座淹斃之賊無算賊衆奪路竄出四路伏兵盡起該逆頭營已破後營火起同時潰遁中派河之賊不敢回救紛紛各鳥獸散馬隊跟蹤追趕殲斃無數甘文瀾率勇由館驛後路兜擊賊陣慌亂把總周盛波等殺斃賊數百名臣福濟豫派廬州府知府馬新貽等督帶練勇進擣丙子鋪亦截殺多賊復令都司黃國堯等統帶礮

船由蔣口繞赴下派河攔擊該逆由東南竄逸
又被水師擒殺殆盡立將上派河中派河賊營
二十餘座概行燒燬餘賊分竄舒城三河巢縣
等處仍飭水陸各軍相機進取迅掃逆氛奏入

上諭內閣曰擒匪與粵賊合陷桃鎮竄擾派河經福濟
等督飭水陸諸軍分路進攻次第收復各要隘賊鋒
大挫著福濟等乘此聲威激勵將弁迅圖克復舒城

母任延緩

同日邵燦庚長奏言臣等遵查容照帶兵駐紮宿州前數年尙爲得力本年該侍衛染患風痺之證時常臥牀其歷次所報勝仗及所保員弁從未准該侍衛鈔摺咨會且聞該侍衛自患病以來一切軍務不能自主文案奏報均出委員之手恐未免有朦混之處至宿州距徐州不過

百里卽有零匪儘可責成地方官實力搜拏如
須勦辦則徐營官兵往來策應亦可兼顧無需
另派大員駐紮奏入

上諭內閣曰前據福濟奏侍衛容照年老臥病等語當
諭令邵燦庚長確查具奏茲據奏稱容照帶兵駐紮
宿州前數年尙爲得力近因染患風痺之證一切軍
務不能自主容照著以原品休致卽行回京

邵燦庚長又奏言自九月初閒臺境官兵收復
韓圩後竄出之匪未受懲創賊首劉老淵等又
相率勾結復在雉河東南之王家集築圩盤踞
並有捻首石廣耀於勝保克復正陽關時率匪
百餘人繞道逃回永城之劉家樓遣黨分投裝
旗聲言與劉老淵等夾攻渦河以北之史榮椿
朱連泰營盤伊興額卽密派投誠勇目陳保元

改裝前往投入捻內一面選派精銳兵勇一百
名分布左右九月二十五日夜間陳保元見石
匪無備卽密約伏軍四面圍捕該匪率黨拒敵
砍傷兵勇七人陳保元臂亦受傷官軍奮力衝
擊將石廣輝及其黨李小住劉住三名擒獲並
殺斃三十餘人餘匪逃逸惟疊接永宿探報劉
老淵羅和尚等匪股愈聚愈衆渦北之龍山曹

市集等處已有匪二千餘人踞擾史榮椿朱連
泰兩軍以無得力馬隊均未得手伊興額擬與
興慶統帶馬步兵勇一千五百名卽日拔營將
渦北渦南捻氛次第掃除臣等會商徐州爲南
北要隘伊興額現統兵勇無多故前此令專駐
瓦子口今伊興額等慮及賊勢蔓延不得不出
境迎剿惟徐兵南趨過遠設東西兩路偶有緩

聞

急又慮鞭長莫及臣等現今伊興額察看情形
相機前進仍將本境防務妥籌布置以免顧此
失彼之虞奏入報

十七日甲子英桂奏言賊匪自馬市坪被勦後其

小股百餘人由焦園角村等處西竄經我兵追
至斬殺殆盡其大股數百人竄嵩縣之孫家店

九月二十八日我兵跟追至孫家店地方該匪聞風先遁復於嵩縣盧氏交界之黑峪欒川等處與山內礦匪勾結約有八九百人十月初一日大兵進至欒川該匪業已西竄初三日兵勇由盧氏進剿總管德楞額等亦督帶馬隊各軍趕至距三川街二里地方該匪膽敢迎拒我兵分三路兜剿斃匪三百餘名餘匪越嶺敗逃生

擒擒匪崔大標等一百餘名訊據供稱逆首蕭
況前在馬市坪狂奔西竄糾合黑峪樂川山內
土匪復圖抗拒官兵今又被痛勦勢窮乞降其
死黨僅有七八十人餘匪不及二百人欲自辛
科嶺小溝河逃竄等語並據該匪等呈遞降稟
到營情詞迫切德楞額等以該逆蕭況等法所
難宥且恐該匪因追勦緊急以乞降爲緩兵計

一面發給示諭解其黨與以安反側之心一面
商令龍澤厚等帶兵由小溝河一路跟蹤前進
德楞額等督帶兵勇由黑巖嶂一路前往抄擊
並因該處山徑南通荆子關及內鄉淅川等處
卽飭南陽府知府何懷珍迅帶兵勇扼要堵截
仍嚴飭德楞額等趕緊勦捕總兵邱聯恩由
南路進兵迅往內鄉淅川等處堵其回竄並咨

聞

照陝西撫臣仍飭商維等處防兵照舊嚴守以
安邊圉奏入報

二十三日庚午曾望顏奏言臣前因河南擒匪滋

事毗連陝界當經派撥兵勇在商維一帶擇要
防堵嗣探得賊匪竄擾盧氏逼近陝省維南復
添派參將施鵬等督帶標兵五百名由潼關商